

INUIT ATAQATIGIIT

INATSISARTUNI



UPA2024/130

15. April 2024

Kristian Jeremiassen

**Inuussutissarsiutigalugu aalisartut piniartullu pisortanit
ikiorserneqarnissamik inatsisitigut periarfissaat aammalu kommunemi
allaffissornikkut kingunerisassai pillugit Naalakkersuisut
nassuaanissamik peqquneqarnissaannik Inatsisartut
aalajaangiiffigisassaattut siunnersuut**

(Inatsisartunut ilaasortaq Doris J Jensen, Siumut)

Siunnersuutip uuma eqqaaseqqippaatigut aalisartunut piniartunut inatsiseqartariaqartugut eqaattumik iluaqutaasumillu innuttaasunut tamanut siunnersuuteqartut tunngavilersuutaani aalisartut piniartut peqqissartut illuani naapissimasai ilungersunartut taamaammat siunnersuut pisariaqartoq Inuit Ataqatigiit isumaqarpugut.

Ila aalisartut piniartut suliffissarsiortutut allatseqqaarlutik ikorneqartarnissaat ilungersunassaqaaq aalisartumut piniartumullu namminerlu nappaammik eq-qorneqarluni suliffissarsiortutut allatseqquneqarluni uffa nappaateqarnini peq-qutigalugu peqqissartut illuaniilluni.

Inuit Ataqatigiit qiningaaffiup uuma qiterpaalersoq aalisartunut piniartunut savaatilinut allanullu inuutissarsiuteqartut ajunaarnersuartut ittumik pisoqartillugu ikuuttarnissamik Agath Fontain siunnersuutaa aamma pisariaqarsimavoq siunnersuuteqartorlu Doris J Jensen Siumut aamma pisariaqartutut isigivarput aaliangiiffiusariaqartorlu.

Inuit Ataqatigiit isumaqarpugut aalisartut piniartut allagartamik arsaarneqartassanngitsut napparsimalernermermi kinguneranik ikorsiissutinik pissarsiniarnerminni tamanna pittaanerusariaqartut matumuuna oqaatingerusupparput.

Isumaginninnikkut ikorsiissutit ataatsimut isigalugit Naalakkersuisut naaperiaanerat Inuit Ataqatigiit maluginiarparput allannguutissatullu Naalakkersuisut saqqummiussaqarput isumaqarpugullu siunnersuuteqartut anguniangaa

INUIT ATAQATIGIIT

INATSISARTUNI



tamakkiisumik naaperiaaffingineqartut Naalakkersuisullu allannguutissatut siunnersuutaa Inuit Ataqatigiit isumaqataaffingivarput.

Taamatut oqaaseqarluta siunnersuut Ilaqutariinnermut Peqqissutsimullu ataatsimiititaliamut ingerlateqqipparput.